

宣和奉使高麗圖經卷第三

城邑

臣聞四夷之君類多依山谷就水草隨時遷徙以爲便適固未嘗知有國邑之制西域車師鄯善僅能築墻垣作居城史家卽指爲城郭諸國蓋誌其異也若高麗則不然立宗廟社稷治邑壘州閭高堞周屏模範中華抑箕子舊封而中華遺風餘習尙有存者朝廷間遣使存撫其國入其境城郭巋然實未易鄙夷之也今盡得其建國之形勢而圖之云

高麗圖經卷三

一知不足齋叢書

封境

高麗南隔遼海西距遼水北接契丹舊地東距大金又與日本琉球聃羅黑水毛人等國犬牙相制惟新羅百濟不能自固其圍爲麗人所并今羅州廣州道是也其國在京師之東北自燕山道陸走渡遼而東之其境凡三千七百九十里若海道則河北京東淮南兩浙廣南福建皆可往今所建國正與登萊濱隸鄭刻作濱隸相望自元豐以後每朝廷遣使皆由明州定海放洋絕海而北可行皆乘夏至後南風風便不過五日卽抵岸焉舊封

境東西二千餘里南北一千五百餘里今既并新羅百濟東北稍廣其西北與契丹相接鄭刻云與契丹接連昔以大遼

為界後為所侵迫乃築來遠城以為阻固然亦恃鴨綠以為險也鴨綠之水源出靺鞨其色如鴨頭故以名之

去遼東五百里經國內城又西與一水合即鹽難水也二水合流西南至安平城入海高麗之中此水最大波

瀾清澈所經津濟皆蟻巨艦其國恃此以為天塹水闊三百步在平壤城西北四百五十里鄭刻有遼水東西四百八十里句

自遼已東即舊屬契丹今虜眾已亡大金以其地不毛

高麗圖經卷三

二知不足齋叢書

不復城守徒為往來之道而已鴨綠之西又有白浪黃崑二水自頗利城行數里合流而南是為遼水唐貞觀間李勣大破高麗於南蘇既渡怪其水淺狹問之云是遼源以此知前古未嘗恃此水以為固此高麗所以退保鴨綠之東蹏

形勢

高麗素知書明道理拘忌陰陽之說故其建國必相其形勢可為長久計者然後宅之自漢末徙九都山下後魏至唐皆居平至李勣平其地建都護府則嘗遁寄

稍東不詳其所唐未復國當是今所都地蓋嘗

今尙置開成鄭刻城府其城北據崧山其勢自乾亥來至

山之脊稍分爲兩岐更相環抱陰陽家謂之龍虎臂以

五音論之王氏商姓也西位欲高則興乾西北之卦也

來崗亥落其右一山屈折自西而北轉至正南一峯特

起狀如覆盂因以爲案外復有一案其山高倍坐向相

應實鄭刻主丙壬其水發源自崧山之後北直子位轉

至艮方委蛇鄭刻八城由廣化門稍折向北復從丙鄭刻

南地流出已上蓋乾爲金金長生在巳是爲吉卜自崧

高麗圖經卷三
三知不足齋叢書

山之半下瞰城中左溪右山後崗前嶺鄭刻前林木叢

茂形勢若飲澗蒼虬宜其保有東土歷年之久而常爲

聖朝臣屬之國也

國城

高麗自唐以前蓋居平壤本漢武帝所置樂浪郡而唐

高宗所建都護府也以唐志考之平壤城乃在鴨綠水

東南唐末高麗君長懲累世兵革之難稍徙而東今王

城在鴨綠水之東南千餘里非平壤之舊矣其城周圍

六十里山形繚繞雜以沙礫隨其地形而築之外無壕

堊不施女牆列太上御名○延屋如廊廡狀頗類敵樓

雖施兵仗以備不虞而因山之勢非盡堅高至其低處

則不能受敵萬一有警信知其不足守也外門十二鄭刻

一誤十各有標名舊志纔知其七今盡得之正東曰宣仁

舊不見名止曰崇仁舊曰東門○曰安定舊曰須恤乃

曰東大門曰鄭刻須鄭刻求門正南曰宣華舊不見曰會

賓曰泰安舊曰真觀西南曰光德舊曰正州亦通其路

正西曰宣義曰狡狴正北曰北昌舊曰崧山特登山東

北曰宣祖舊曰金郊西南隅王府宮室居之其東北隅

高麗圖經卷三 四知不足齋叢書

即順天館極加完葺西門亦壯麗蓋為中朝人使設也

自京市司至興國寺橋由廣化門以迄奉先庫為長廊

數百閒以其民居隘陋參差不齊用以遮蔽不欲使人

洞見其醜東南之門蓋溪流至巳方眾水所會之地其

餘諸門官府宮祠道觀僧寺別宮客館皆因地勢星布

諸處民居十數家共一聚落井邑街市無足取者總其

建國大槩而圖之其餘則互見於別篇

樓觀

王城昔無樓觀自通使以來觀光上國得其規模稍能

太上御名○御治初惟王城宮寺有之今官道兩旁與國相富人稍稍僭侈入宣義門每數十家則建一樓俯近興國寺二樓相望左曰博鄭刻濟右曰益平王府之東二樓臨衢不見標榜簾幙華煥聞皆王族遊觀之所人使經由則有婦女窺覘於其閒衣服之飾不異民庶或云王每出遊則其族始易錦繡也

民居

王城雖大礪确山壟地不平曠故其民居形勢高下如蜂房蟻穴誅茅為蓋僅庇風雨其大不過兩椽比富家

高麗圖經卷三

五知不足齋叢書

稍置瓦屋然十纔一二耳舊傳惟娼優所居揭長竿以別良家今聞不然蓋其俗淫祠鬼神亦厭勝祈禳鄭刻禱之具耳

坊市

王城本無坊市惟自廣化門至府及館皆為長廊以蔽民居時於廊閒榜其坊門曰永通曰廣德曰興善曰通商曰存信曰資養曰孝義曰行遜其中實無街衢市井至有斷崖絕壁藜莽繁蕪荒墟不治之地特外示觀美云耳

貿易

高麗故事每人使至則聚為大市羅列百貨丹漆繒帛皆務華好而金銀器用悉王府之物及時鋪陳蓋非其俗然也崇寧大觀使者猶及見之今則不然蓋其俗無居肆惟以日中為墟男女老幼官吏工伎各以其所有用以交易無泉貨之法惟紵布銀瓶以準其直至日用微物不及匹兩者則以米計錙銖而償之然民久安其俗自以為便也中間朝廷賜予錢寶

中間下鄭刻注云關六字案文義似

無關

文今皆藏之府庫時出以示官屬傳玩焉

高麗圖經卷三

六非不足為證書

郡邑

州縣之建實不副名特聚落之繁處自國之西北與契丹大金接壤粗有壘塹其東南濱海亦有建於島嶼者惟西京最盛城市略如王城又有三京四府八牧又為防禦郡一百一十八為縣鎮三百九十為洲島三千七百皆設守令監官治民惟牧守都護公廨數楹令長則隨所在舍於居民夷政租賦之外無健訟在官者公田不足以資用則亦仰給於富民云

宣和奉使高麗圖經卷第三